


Lín ki?

Váires or hélaf dabai dhoilla KOVÍDH-19 loi mukabela goribólla dabai ókkol faa za. Elaj iine oñnore kothín biaram ar hóspital tulá foréde éntu basaibou, kintu biaram or alamat ókkol cúru óile fouran elaj gorá foribou. KOVÍDH-19 óttu rukibólla véksin mara óilde ehón foijjonto sóbse beeter torika.



Lín añár modót boni bóune?

Zodi oñnottu KOVÍDH-19 theés pozethív óiye, ar oñnottu nazuk biaram or hótora becí, ar oñnor biaram or alamat ókkol edínna dehágyéde óile torika iba loi oñne elaj gorí faríba. Ledera baicca ókkol 28 din boc oite zará kothín biaram or becí hótorat asé ítara o elaj olla kabel asé. Elaj iín oñne ar oñnor fuwáre héfazot ar asór goríboune íyan zanibólla ekzon dhakhthor loi hotá hóiyó.

Añáttu hon thaim ot elaj goroón sa?

Oñnottu gaát hóraf lagá cúruv fór toratori elaj goríle dabai iín sóbse balo hamgoré. Oñnottu biaram or alamat cúru oi 5 din or bútove váires or hélaf dabai há cúru gorá foribou. Oñne dabai iín loi estemal gorí forofan oñnottu biaram or alamat ókkol dehágile mottoro fouran KOVÍDH-19 theés gorá zoruri. Oñnor ateháñse theés gorár zagá ókkol tuwai soó eçé <https://coronavirus.utah.gov/testing-and-treatment>.



Elaj iín kibáfe gore?

Váires or hélaf dabai ólore oñne górot mazé dine 2 bar gorí 5 din háibolla dhakhthor ek zone lekí dibou. Cúde ejazot fáiya, threnín loiyéde sehét dekbal entezam gorouya ye váires or hélaf dabai lekí di faribou.

Elaj iín maháfuz ne?

Dabai iín ore Federal Drug Administration (FDA) (Ameríkar Dabai Entezami Dhai) er torfóttu ejazot diyé, ar dhakhthori theés ólot maze héfazot ar asór goréde íyan dehágiye. Dabai ar dhakhthori elaji torika beggín ot sáidh efékth ókkol asé. Zodi oñnottu sáidh efékth ar húciyar tákar ciz or babote sínna tákile oñnore dabai goríbode dhakhthor yáto sehét dekbal entezam gorouya loi hotá hóiyó.



Aáni iín hoçé faiyoum? Dabai iín ore fura decót oñnor buniyadi dekbal entezamgorouya, dhakhthor or ofís, zoruri dekbali kilínik, hóspital, ar fármesi ókkol ot faa zaibou. Dabai iín oñnorla thík aséne dhakhthor ekzon loi hotá hoi zani saiyó. Elaj iín goribólla oñnottu fís (thiña) loit fare yáto incuwarens or bíll dit fare.

Elaj iín hoçé faiba thíkana zani loibolla soó eçé coronavirus.utah.gov/treatments yáto Utah Department of Health and Human Services (Utah Sehét ar Insáni Hédmot ólor Dhípaáthmen) loi 385-273-7878 ot kool goijjó.